

一丈以為正音有知其音能齋而誦之者諸
天皆守護正斬邪之神天妻八威九首四目
之吏導從丁史下衛其身剪伐不祥惠以福
澤延命降真書其功勳上奏諸天萬神朝禮
地祇侍門大勳真王保舉上真道備魁得遊
行三界昇入金門此音無所不辟無所不獲
無所不度無所不成天真自然之音也故誦
之致天真下觀上帝遙唱萬神朝禮三界侍
軒群杖束首鬼精自亡琳琅振響十方肅清
河海靜默山嶽吞烟萬靈振伏招集群仙天
無氛穢地無祲塵冥慧洞清大量玄玄也

元始無量度人上品妙經卷之五十四

靈寶無量度人上品妙經卷之五十五 宣
追度上世亡靈品

道言昔於龍梵天中景霄幽歌大鍊化土受
元始度人追度上世亡靈無量上品元始天
尊當說是經周迴十過以召十方始當詣座
九皇上真飛天大聖妙行真人玄中法師洞
陰朝軍鬱絕之境五靈玄老黑帝天君鄭都
比帝六天大魔救苦靈仙九官曹屬三元考
氣無鞅數衆乘空而來三景飛雲八景霄輿
華蓋垂蔭碧翠交光九色瓊鞋洞煥太空七
日七夜諸天曼城樓觀影徹幽寥珠緯玉毫
停輪息燿神風襲瑞空藏傾波一國地土山
川林木編平等無復高下土皆作青玉萬
里通映無有異色衆真侍座元始天尊玄坐
空浮九光寶局之上說經一遍諸天大聖同
時稱善是時大地衆生祖先積罪咸蒙赦原
說經二過光照九幽開悟宿命說經三過雲
周道境甘露灑空說經四過火山息焰寒池
靜波說經五過地獄池關幽寃解脫說經六
過落滅惡根不沈苦趣說經七過焚燒黑簿

考對休閒說經八過泉曲冥官進陞仙品說
經九過暗域飛雲陽光蓋翳說經十過枯骨
更生皆起成人是時一國是男是女莫不傾
心皆受護度咸得長生

道言是時元始天尊說經一遍東方無極無
量品青宮救苦大神無鞅之衆浮空而至說
經二過南方無極無量品朱宮明悟大神無
鞅之衆浮空而至說經三過西方無極無量
品素靈宮玄定大神無鞅之衆浮空而至說
經四過北方無極無量品紫元宮幽感大神
無鞅之衆浮空而至說經五過東北無極無
量品鄴都宮雲營大神無鞅之衆浮空而至
說經六過東南無極無量品九幽宮拔罪大
神無鞅之衆浮空而至說經七過西南無極
無量品泉曲宮度生大神無鞅之衆浮空而
至說經八過西北無極無量品天福宮超化
大神無鞅之衆浮空而至說經九過上方無
極無量品真都宮靈妙大神無鞅之衆浮空
而至說經十過下方無極無量品玄妙宮寂
定大神無鞅之衆浮空而至十過周竟十方

無極升度苦莫天真大神一時同至元始天尊初說法時一國男女各各追懷上世亡寬傳曾萬祖古往先親或繫宿因承於業力已遂生方遊遊三界或尚沈幽境滯爽冥關代歷綿長時丁久遠寬無依止體化塵埃性誠未消尚存心念羅斯陰罪必犯陽愆今過元始將陳追度之法慶會無邊願虛使教廣利有生是時天尊四觀天人一切鬼神一方聖眾舉山水雲霞之袂揮九色碧光宛轉之旋良久之頃以九色碧光一縷之絲垂明下徹

逸至九壘七圍鐵山之間十大地獄方面八千餘里高廣深厚其量過之隨此碧光一縷之絲按地之聲六種俱振猶於大海交匯二山亦如諸天五雷併起正行遊梵三十六宮應時傾動北鄰諸大地獄翩翩高舉下離冥漠昇於絕空碧緞之絲挽提獄頂洞出剛風及於天界以此大獄繫於絲杪形如彈丸無量之衆瞻矚無礙皆見諸大地獄五刑萬苦血刃火然表裏明覩不有纖障各見有罪祖先受諸苦報某考獄中哀吟求救一切衆生

見此事相舉聲號泣響震諸天析告虛皇願垂追度元始怡顏微笑即於頂上出大光明煥照天地於光明中有赤文雲書昇天寶券芒金角玉蚪曲詳分示衆宣言爾等衆生上世亡寬用此追度之法周迴十過皆獲昇天來者霧合雲屯非可禁止定國一半土皆偏陷乃懸一寶珠大如黍米在空玄之中去地九丈元始登引天真大神上聖高尊十方救苦救罪真人至真大神無算數衆俱入寶珠之中天人仰看惟見拂拂從珠口中入既入珠口不知所在國人靡敢地還平正無復敢陷元始即於寶珠之內說經都竟衆真監度以授於我當此之時喜慶難言法事粗悉諸天復位修敬之間寂無遺響是時天人遇值經法普得濟惠板度祖先不墮惡道傾土歸仰咸行孝心能敬能讓能廉能貞能柔能和能奉能承能忍能養心無性慢口無怨言濟同慈愛異國成親國安民豐欣樂太平經始出教一國以道預有志心宗奉禮敬皆得度世

道言元始天尊說經中所言蓋是諸天上帝內名隱韻之音亦是真王內諱百靈之隱名也非世之常辭上聖已成真人通玄究微能悉其章誦之十過諸天退唱萬罪悉原上世亡寬皆獲昇仙旁資一切昔度萬生回屍起死白骨成人至學之士誦之十過則五嶽奏判三官奉詞幽寬遷化遊魄超昇濟度亡歿絕而得生所以爾者學士道德未充體未洞真以制十方威未制天政德可伏御地祇資濟幽靈濟拔祖先而已經誦此章身則被殃供養尊禮門戶興隆世世昌熾與善因緣萬災不干神明護門斯經專妙獨步玉京度人無量為萬道之宗巍巍大範德難可勝道言凡誦是經十過諸天齊到億曾萬祖幽寬苦爽皆即受度上昇朱官格皆九年受化更生得為貴人而好學至經功滿德就追度高靈皆得神仙飛升金闕遊宴玉京也上學之士修誦是經上世亡寬皆即追度飛升南宮世人受誦則亡過相考得太陰鍊形之道鬼神警滅不經地獄即得返形遊行太空此

經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及子孫長役三官侍經五帝玉童玉女各二十四人營衛神文保護受經者身

道言正月長齋誦詠是經為上世亡鬼斷地速役度上南宮七月長齋誦詠是經九祖七玄升入天門赦罪遷善身得神仙十月長齋誦詠是經追度古先眷屬億遠幽靈即獲鍊化刻錄太清八節之日誦詠是經速世冤爽罪滅北都鄧山息考罷役河源得為九宮真人本命之日誦詠是經玄堂七世往劫滯冤靈肉附骨近生為人鬼神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上問三十二天心拜三十二通閉目靜思身生紫雲綠三色雲氣之中內外蒼冥有青龍白虎朱雀玄武獅子白鶴羅列左右日月照明洞煥室內

十方救苦無量大神駐靈空極項生圓象光映十方如此分明密呪曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人聞啓所言今日吉慶長齋清堂修行至經無量度人願所啓上徹徑御

無上三十二天元始上帝至尊几前畢

引悉三十二通東向誦經

元始無量度人上品妙經

元始洞玄靈寶本章追度上世亡鬼十遍度人九冥隱顯開化自然空洞降靈太虛生神總治法象統歸三元瓊宮大聖高居帝尊敷弘至妙考校因緣青編丹簡紀錄玄文元陽紫微方諸洞泉太陰署罰火官舉遷生民隨業攝送鄧山九河六洞萬鬼之營火城劍樹佛鑿寒庭鬼神大魔考責羅冤元始玉符下拔幽局普為眾生追度粗先上請朱陵功告三官五嶽四瀆名山大川水府洞宮主宰神

靈原救滯爽不得稽停大會玄都速召萬神中有東極尋聲赴感太一救苦天尊中有度寬化形之君中有太冥鍊屍大神中有大慈妙行真人中有天樞天機好生文昌延壽度厄尊神招靈太玄無量度人今日校錄諸天臨軒

東方無極龍威神王長生大聖無量度人南方無極丹靈神王長生大聖無量度人西方無極皓華神王長生大聖無量度人北方無極玄英神王長生大聖無量度人東此無極鍊度神王長生大聖無量度人東南無極變身神王長生大聖無量度人西南無極復相神王長生大聖無量度人西北無極正精神王長生大聖無量度人上方無極火府神王長生大聖無量度人下方無極返形神王長生大聖無量度人十方至真飛天度寬超化神王長生度世無量大神並乘八景琅與飛雲葆蓋霞輦懸輪騰駕天馬白鳳青鸞建玄靈翠節綠羽龍幡前導鈞天廣樂後參八素陽歌巨象麒麟翼

衙辟邪十指啓途七辰捧轅億靈萬神享空
而來光明照耀洞朗諸天神霄府相元黃左
宮陶公仙伯執錄把籍齊到帝前普度衆生
上世亡魂勅攝鬼帝來聽教言羅酆六宮陰
洞鐵山賓友僚佐四大明公司禁侍宸北河
列侯各持黑簿削落罪根不得拘留逼合鬼
群元始符命時刻昇遷息苦寒池濯濯天津
制魔保舉度品南宮九玄受鍊仙化成人
身受度劫劫長存隨劫輪轉與天齊年永度
風火刀兵考訟連對之難超凌三界道遂上
清上清之天天帝合延無色之境梵行

東方八天
基化正宣天 帝變津宜
由明應玄天 帝通臻元
極樂極冥天 帝六關玄玄
變真九仙天 帝陣布務夸
耀靈華運天 帝棟丘澤方
不驕悲識天 帝覺海雲
葆素寶劇備天 帝柳蒙少澗
歷苦通弘惠天 帝季路時

南方八天
李檀舜藉天
霞洞宴王天
利聽化高天
封冥錄陰天
寬度昇慶天
起對希樂天
慈登福果天
神首官領錄天
西方八天

應新勝妙天
通靈仙易覺天
久壽靈影化天
道戶寂然天
慈運靈師補天
五都新祥美成天
昇虛玄變天
梵行太無天
北方八天
太微玉華天
帝木椰舒
帝景唐無夾
帝效慈澆穹
帝伯皇宥中
帝用鄰德光
帝息帝如
帝不逸披門
帝蹈統修瑛
帝適端俊
帝靖常崧
帝虛凡自微
帝吉動龍邦
帝照符率從
帝命玄冲
帝乞章融留
帝攝神總靈
帝流倭宛與

正一天師清微弟子洪百堅製作

微覺宗仙天 帝正刀蒲王
度靈蹟真天 帝柳題衍衡
董正黎辨天 帝步錯極真
陰臺總按天 帝葵倚連
獄詔遷證天 帝唐曜明輪
龍化珍惠天 帝定智丕旋
女青據丈天 帝阿都社踈
三十二天三十二帝諸天隱諱諸天隱名天
中空洞自然靈章諸天隱韻返空之音化靈
之尊追度之神監寬大魔返生之靈九聖十
真變化上清無量之奧深不可詳敷洛神真
追度亡魂今日欣慶受度歷闕諸天請滅三
惡釋放地牢不經五道寬升太玄真王監舉
無拘天門東斗濯神西斗鍊精北斗追冥南
斗度生中斗統運總司衆靈青帝護寬白帝
侍魄赤帝養氣黑帝通血黃帝中主萬神無
越青天魔王開運化機赤天魔王法今奮施
白天魔王統領八威黑天魔王察凶於非黃
天魔王萬神總歸五帝大魔生化之宗飛行
鼓從下攝幽魂魔幢鼓節考杖鬼神位號赫

11011111111111

奕高清上公上天度魂先初此鄭七玄受度
追召冥陽九幽春簡泰山列章真魔附靈生
氣聚光乘化人天道力恢張敢有干試拒遏
上真金鉞前戮巨天復刑屠割杖黨風火無
停坦度上世久遠亡寬化氣受神返生還形
魔無干犯真誠烟精三官此鄭明檢寬管不
得容隱金馬驛呈普告無窮萬神威聽三界
五帝列言上清

混黃元紀化用渺茫感真妙肇立二儀風
澤上騰元綱下施陽寬耀靈陰魄玄輝空洞
杳冥中藏至神祀握元化無上之尊號曰虛
皇玄居玉清龍漢六劫蒼帝運終延康溟津
長安太空無形無影無極無窮亦光啓運傳
道玉宸柏陵長樂丹天始青開明三境三十
六宮元變周流四方之天五斗列宿網氣相
連輪轉升降生育萬靈乃錫玄符九天玉文
安鎮五山長保無傾洞淵九壘諸大土皇正
行遊梵寶闕雲霄軒始之主虎口土龍執天
大憲與道同功運以神化色以剛風是為靈
寶玄中之玄羅布萬神統歸三官生化品物

考治人民錄善登真惡業沈淪擔沙負石墮
級溟波驅雷役電幽夜之河萬劫受報備歷
酸辛吾不原赦何以超升為汝追度上世亡
寬是故宣告大道之根皆使開悟與善因緣
靈符破獄萬苦咸停玄光照暗朗耀重昏鬼
官升遷上聞諸天諸天之上各有生門中有
追度上世亡寬之章飛天靈歌辭參高真

第一欲界追度飛空之音

空洞宸景 玉妙元皇 統神化号
開生度人 萬祖億曾 中有沈寬
欲念相牽纏 幽幽長夜關 不遂齊玄覺
何以超冥津 滌慮脫塵垢 清心蕩穢氣
回我慈慧光 靈風冉冉昇 冤仇當罷對
由資大法乘 摧破癡迷網 逍遙寓十方
稽首無上王 誦此靈寶章 鍊質陽華館
受度歸南昌 慶會合一際 俱蒙登福堂
第二色界追度成真之章
杳杳冥遙 北帝鬼官 下統幽府
中有罪寬 業禍更真 色累苦神
淪溺劫年 以失其生 我界險熾

穢念紛紛 開悟正道 稟我玄科
獲昇度兮 飛越絕河 九天冲氣
三元妙奉 混至化兮 敷張慶雲
統運機威 結育成人 德曾受鍊
解滅冤愆 殃散福來 逮及爾身
濟拔無窮 共獲帝仙 哀斯塵昧
故示法言

第三無色追度昇玄歌曰

玉聖之尊 太一上神 號曰景精
招真命靈 棲生降氣 度魄超寬
蕪蕪妙範 昭昭洞文 開悟無際
愛結悉除 慧朗回光 煥耀幽關
赫奕符告 上拔七玄 救救滯爽
執教拘延 永過三界 鍊化朱陵
追遙太清 晏眇劫年 我道廣大
陶運億千 不但於祖考 而獲此登昇
萬遍既道備 身俱乘景雲
此三界之上飛空之中真王歌音者參洞章
誦之百遍七祖飛昇誦之千遍列仙保迎億
曾萬祖逍遙太清萬通備普度含生身起

三界位證仙卿有聞靈音六天敬形勅制地祇侍衛送迎抄出地戶五苦八難永離北鄰寬度朱陵是謂無量濟惠無窮有祕上天文諸天共所崇泄慢墮地獄禍及七租翁道言此二章並是諸天上帝及王清真王隱

秘之音皆是大梵之言朗徹九幽追度祖考冥漢久逝之鬼聞是洞文衆苦消解神識起昇非世上常辭言無韻麗曲無華宛故謂玄奧難可尋詳上天所寶祕於玄都神霄玉清王府東室寶經祕藏道亨昌運侍運下傳若有至人齋金寶贊心依舊格告盟神霄然後而付焉

道言夫世之生民皆有玄祖上世高曾維繼子孫鮮及遠代七世而上禮不稱論脫有先逝代數遠遠祭祀莫及修修之度不克稽用業累未除寬留地司皆當祈告真靈請乞報應得告報祥感則已獲超遷慶想不真多見冢墓者對之像則亡鬼幽繫未脫狴牢皆當齊心修齋六時行香十遍轉經以青紙丹書大梵隱語著亡鬼姓氏去世年月作四門方

符牒之面以丹書昇天奏文背書年辰法師位號或以絳囊祝地司主者及亡鬼姓名焚於建齋處即得追度佩券生天福德立降消諸不祥無量之文普度無窮道言夫六親眷屬末學遺殘或仙品未充運

應滅度身經太陰臨過之時為其行香誦經十過以度屍形如法寬神運上南宮隨其學功計日而得更生輪轉不感便得神仙道言夫天地始生元始開闢即有人物人物具備即有死生死生者神氣來往人命之數也上世亡鬼不惟久遠億曾萬祖有經劫成壞而寬未超升者世之學士不知天地幾經成壞為劫長短亡鬼定業坐繫不解者皆當拜奏章表行香誦經焚昇天寶券修齋設醮祈向高真即得追度生大福室夫齋戒誦經功德甚重使亡鬼昭泰長夜通光地獄苦消火山息焰冥曹考罰頓罷炎寒一切受賴其福難勝故曰無量普度天人

道言凡有是經能為死民行是功德發心修齋燒香誦經十過皆諸天記名萬神侍衛右

別至人勉得為聖君金闕之臣諸天記人功過毫分無失王清真王亦係舉爾身得道者乃當洞明至言也諸天中大梵隱語無量音 道君撰元始靈書中篇

東方八天

- 建朗披覽 玄紀法王 魔師赫盧
- 炎池誦光 斗魯幽察 擲司定廟
- 宛了究氏 盈門肥堂 勅捕醜虐
- 混開紫皇 蔚房靜除 寂音思殭
- 汴神逸羅 廣明檢襪 破解妙行
- 真氣耀邦

南方八天

- 籍羅八臺 四明建仙 匱錄窮寬
- 曆都命玄 泉沙般拉 阿列連安
- 妙澄演覺 禹琇愆阿 擬加頻夷
- 敬連遣那 籠卯逼戍 虛府蒲圭
- 都文曷駭 臻和夢持 哀物汨謨
- 塊額願基

西方八天

乾帝華樞 焦平觀都 景雙錄行
周明賓呼 烈井驅力 玉判歸浮
趙章延蹊 鹿桓蚪檀 追冥叩無
網石尸徒 閱頂辭緯 奕奕霹靈
左翊箕制 木玄魔立 略負廣須

韓司主圖

北方八天
靈靈典洞 鄴牢鎖冤 赤章檢考
問籍通詞 趨求過諺 報罰遣程
億資歲成 杏檄文靈 變狐驛弭
瀆躍洞京 彫葛布款 孽齊交明
眇邊冲盧 九口津泮 馬猛戮奴

奔愛莽神

道言此諸天中大梵隱語無量之音舊文字
皆廣長一文刻書北清玄天寶幢之上散郵
都泉曲九幽之罪赦積世亡魂追度超升利
拔苦契解脫素因往劫定債獲免債還自在
逍遙不拘泰山子林福報貴祿宜官家無故
氣傳遠不行天保其昌德富爾身靈應元君
昔書其文以為正音有知其音能齋而誦者

諸天皆遣追度靈官下拔其冤書其功勳上
奏諸天萬神朝禮地祇侍門大敷真玉保舉
神霄道備勉得遊行三界昇入金門此音無
所不辟無所不覆無所不度無所不成天真
自然之音也故誦之致靈人下觀上帝遙唱
萬神朝禮三界侍軒群秋束首鬼精自亡琳
琅振響十方肅清河海靜默山嶽吞烟萬靈
振伏招集群仙天無氛穢地無秋塵冥慧洞
清大量玄玄也

元始無量度人上品妙經卷之五十五

靈寶無量度人上品妙經卷之五十六 冥

濟度死鬼品

道言昔於紫暉玄濟天中綠景虛明大慈靈
土受元始度人濟度死鬼無量上品元始天
尊當說是經周迴十過以召十方始當詣座
天真大神上聖高尊北鄴大帝九出拔罪天
尊金闕濟度天尊太一救苦天尊大慈大悲
救苦真人大惠真人無鞅救衆乘空而來碧
耀流輝華雲映彩龍駟鳳駕寶蓋靈幡彌漫
羅列香蕩氛氲日月停景洞朗太元九日九
夜諸天瓊樓玉闕雲殿霞房一時同明下極
崑崗三山十洲四海九河泉曲之何鄴都寒
庭長夜之闌悉被神光普獲開煥萬象澄清
十天昭廓一國地土山川林木緬平一等無
復高下地成紺碧無有異色衆真侍座元始
天尊玄坐空浮瓊光洞陽寶林之上說經一
過諸天大聖同時稱善是時天地山嶽鐵城
大獄自然齊啓咸釋罪爽來聽法音說經二
過鏗湯聲震忽變清涼水吐青蓮異氣芬馥
萬刃刀山悉為寶樹柁械銷鋒骨骸生復還